

EVESUMU VICHAVAMYUJURA CATERA

Pávurubay m̄chuveḁa

1 ¹Ray Pávuru, rañicha Jesucristu nus̄byi J̄ḁenu jtedamuj̄, jiryimuj̄ saju jiintyasavay jiryatij̄ Ev̄esumu vichavay jirye, jiryatij̄ jiriveyichasara Jesucristu vaḁadamu day, samij̄ siityevay saju variy jirye. ²Jiryajmutyara samirya vichada Vuj̄je J̄ḁenumusij̄, Vuyntyityu Jesucristumusij̄ jarye, jiryatij̄ jiryimutya simusirya jiryejyuuchuveḁa ramityadedaj̄.

Vuryimutyaajayasara Cr̄istumusirya rajuura samirya vichasara vuryinuyada jiyadaj̄

³Jun̄arej̄ jchanatyasi savichasara Vuj̄je J̄ḁenu, jiryatij̄ Vuyntyityu Jesucristu jañi, niḁay sachara varintyirya rajuura samirya vichasara vuryinuyada jiyadajuntij̄, Vuyntyityu Jesúsmusintij̄, jarichuvimu, diyemusidyerya titaj̄ vuj̄je darya.

⁴Daryamusiñiday sajaryetada Cr̄istumuj̄ vuy, netimuj̄ ne suñdejadara mucadi variy didye, vuryatidye vichasara jiintyevye saju, ne vaḁa niqesara raḁasara sadiya vuñij̄ju nuḁay.

⁵Sadirya vaḁadamusij̄ yiteda: Rajmutya sitenu radyedyeñuj̄ jirye, Jesucristumusij̄ sajachipiyajada daryá, jidyirya niruyadamuj̄. ⁶Ramuniday vuryajchanatyanij̄ J̄ḁenu samirya

sayadiva, jiryatij̄ sadirya niruyadata jichedyevyuy, jiryatij̄ jaryi savatasavay daryaju Jesucristumusidyevyuy.

⁷Jesucristu jiryinuy murichedoda yindajata vuj̄juuchuveḁa jiyadaj̄, saramityanij̄ J̄ḁenu variy vuryivara, jiryatij̄ jaryi samiryamu saniruyadata jichevyuy. ⁸Sasayada jaryivyaj̄ vuj̄jura jidyetyada titaj̄, samirya jachipiyajada jarye titaj̄ risaj̄. ⁹Sadityanunuyada vurya jivyatara, jiryatij̄ dutyasara ravichanuyada tavaj̄ju, jvadicharaday sajachipiyajada jvaayadara jijechara jidyirya Cr̄istumu. ¹⁰Sajachipiyajada jvaayadara ranumatij̄ jutij̄ sitotadada runda, jasityidye sabay Cr̄istu nusuyadaj̄ titajura jiryatij̄ navay jarichumu darya, mucadiva vichara jarye titaj̄ risaj̄. ¹¹Simusidye riryajmutya titaj̄ Cr̄istu siitaryivantiyirya jiyaruryantij̄ jiryatij̄ sabayada J̄ḁenu rij̄ju darya. Sadirya jachipiyajadata jibeyada daryajura jidyirya jvaaryuyada. ¹²Darya sivaay jidyirya darya, raḁidye danuya jaryi vanda suro, jiryatij̄ riichanatyada nijyanvay nunchirya, jiryatij̄ munatya nuñi nutuyada sajij̄ vuryeyada rañu Cr̄istu. ¹³Jirye jaryentij̄, jiryetyuvachodanumatirya sitenu tuchoda sanij̄ju, jiryatij̄ samituchoda darya, ramusiñiday vudyetyara J̄ḁenu jantyutyada. Jiryetyuvachodanumatij̄ variy simu, sabayada yintuta jij̄ju variy jirye, darya niḁay suteda variy: Rajpanij̄

řintu řibivaju řiryimujuntiy. ¹⁴Jiryatiy sasayada Yintu vuy, vudyetya řita ramusiy vuryajmutyara jantyutyada Jüdenumusiy, riryatidye jchanatya nijyanvay variñi Vuryindenu, rajasay jaryi vanda suro varyi.

Pávurubay jachiñuyada Jüdenuvara datyada Crístu siityarivajyu

¹⁵⁻¹⁶Ramunidantiy, ratyuvachodanumaty ranchiy řiryetyuvachoda simu Vuyntyityu Jesús, řitaju řiryevyatadanchiy jarye riñijyu řitaju Jüdenu siityarivajyuu, ne rapyaruy riva jchanatyadani Jüdenu řiryeniyyu, jasidye rajechipityaja Jüdenusã tuchodamu řiryey. ¹⁷Rajechiñuy siva Jüdenu, Vuyntyityu Jesucrístu jay, ñitiy vichasara vandamu, řatidye say Yintu řiryey, simusityi řiryecha jaryi datyavay, řiryatiy sadityanu řiryeni Jesús, řiryatidye datya řitenuni. ¹⁸Rajechiñuy řiryeyadaju, řanõnõrurya řiryejechiy datyada, řiryatidye datyara řarajiju řiryentuchara, řiryatiy sabayada Jüdenu řiryeyyu darya, řa jaryi taratavay řiryechate jasiy řiryatiy řiryimutyara jiberya vandamu rusã řitaju sasiityarivajyuu. ¹⁹Rajechiñuntiy řiryatidye datya ne ři saradoda řarara sadatyadoda, řiryatiy simu tuvachuvamyu darya, ratatiy sivaachara jaryi jivyanuyadada darya. ²⁰Darya savanuyadataday jimyisadedani Crístu diibyimusintiy, samasadedada řita yintyityudamyuju řarichuvimuni. ²¹Vujye Jüdenu bayadani Crístu řitaju bayantovedanchaju, řiryatiy řutachara jaryi vanuvyeyu, datyavay jarye, řitaju řiryey mucadiva vichavay řiryatiy řutay daryaju nutyityumiyu, nusuyadacanimiy daryajuriy. řitaju řiryey jiyadaju sasañi Crístu jaryi datyadaju, dantyamuy ne vinu diye vichavajyu, rusiy vichavajyuntiy.

²²⁻²³Sabayadama Jüdenura řitaju Crístu numutu jaridye. Ramuniday sabayadani Crístu jamu nutyityuju, řitaju sasiityarivajyuu nutyityuju jarye, řiryatiy riñicha savu nta varyi. Savutanuma řitaju yitõtatadedayu, ñitiy datyadarya mityamusiy jtotadada řitaju tara day.

Şantyyutyada Crístu jivyatadamuju vuy

2 ¹⁻²Jiryey jeryey vichanuyada diibyimiy Jüdenu diya řiryeyyuu-chuvediva. řiryevyichanuyada varyi juuchataavay řiryatiy řiryechiityarinyadara vacha vichada řitaju daryaju. řiryevyichanuyada varyi bayantu nutyityumu tuvachuvay, bayantu rapuy ñitiy vanutyada riy rityimiyu ne tuvachuruy simu Vujye Jüdenu. ³řitaju ñujeryey vichanuyada řariy ramuntiy. Nudyivaañuyadara daryatiy nudyivaaryuy, ñuvyuy vatara jarye, ñujechiy vatadamu jaryentiy. Ramuniday ñuvyichanuyada varyi parutisavay Jüdenu jtedamuju, ñutyu tavay nijyanvatyey řitaju darya. ⁴⁻⁵Jüdenu řita ñitiy jaryi jantyutyara, řiryatiy savatada jaryi jivyatadamu vuy, dañuma vuniñchanuyada diibyimiy vujyuu-chuvediva, Crístu jsaju sasayada jamuca jnyadaju varivyuy. Saniryadamu řiryeyada varyi vuryeyadaju. ⁶⁻⁷Samisadedada Jüdenu Jesucrístu jsaju vuy, samasadedada řarichumu sisaju varintyivyuy, řatidye dityanujayasara junare řarajura jaryi yentyutyada, řiryatiy jaryi samirya jachityi savichasara daryaju vuniñiyu Jesucristumusiy. ⁸Vinu şantyyutyadamusiy vuryamitya mityara vujyuu-chuvediva murichirya, řiryatiy vutyuvachoda simu. Vutyuvachoda řitantiy ne vudyirya tuvachoda darya; Jüdenumusiñuma ranicha řitaju day. ⁹Ne vucyanay vuryivaayadatarã,

vuñuma jchanatya ranchivyuy.

¹⁰Vuvyichasara daryaju sundefimiy jiryatiy sundefada Jesucristumu vuy, vuryatidye vichasara samiy jvaavye, darya sabayada jityaju vuryavichajayasara daryá samirya sadiya.

Vuvyichasara samivye Jesucristumu

¹¹Ramunijiryajachipityara nutyu jiriveyichanuyada munuñumiy Judíyueda diya. Jiryatiy rútachara jmutyonusarara jivyu Judenunijiyu, runyu jita jiryeñecho nutyu Judenu rrachúvay, jiryatimyu ne jmutyonusavay daryaju jiryedye. ¹²Variryundamu jiriveyichanuyada tajiñechoju Crístujisiy. Ne jiriveyichanuyada variy Judenu siityarivay tevamyi, dantyamuy ne jiryedyetyada didyerya Judenu jteda jiryeyada rayadaju didye. Jiriveyichanuyada mitya, ne jiryentuñuyada sajiju Judenu jirya vuryinuyada rundamu. ¹³Diye jita Jesucristu batyeda nudajamusiy, satuudityaniy Judenu variy jirye, ripya daryaju jiriveyichanuyada sajisidye.

¹⁴⁻¹⁵Sanicha jita Jesucristu samirya vuvyichadaju day, varidye santeryadedara davichadajuy tavichadaquijuntiy, daryamusiy sapuyadara riñiqueyada jijechivyasiy, ramuniday rivyichanuyada ripya sajisiy. Sitotadedada Jesucristura Judenu jteda juuchuvada jiyadaju jivymu, sabatyedamusiy. Suteda Judenu daryaju rajuura niquejadamusiy, nutyuramusiy vuryavichasara samiy, nutyuramusiy. Sabatyedamusiy jita yindejada Jesucristu ni tiqui nijyami yimu, jiryatiy sabayadara vuryatidye vichajayasara samirya mityiji. ¹⁶Crusityasa batyedata saratyadoda mityijijyuryi davichadajuy janvay Judenu diya, riryatidye vichasara titaju nutyu tevajyuu nta

vari. Rata jita rabaryijada rimyityasiiyadayu. ¹⁷Daryamusiy jita suseda Crístu samirya tuchoda nacho, jiryatidye tuvachu ranacho samituchoda, samiy vichada jarye, jiryatiy jiriveyichasara ripya daryaju sajisiy. Daryaday satuchu ruuva Judíyuedantiy dañumamuy ne riñicha ripya vichavay. ¹⁸Crístumusiyy jita vuryito titaju, dañumamuy ne Judíyueda vuñicha, varimiyata sitenu Judíyueda davyuy, vuryiniy titaju Vujye Judenumujy vinu tiqui sitenu Suntumusiyy. ¹⁹Ramunimuy ne jiryeñicha munuñumiñuday, dantyamuy ne raruva janvay. Jiryeñicha jita Judenu jiintyasavay tevamyidye, Judenu rorijanvay tevamyi jarye risaju titaju. ²⁰Saroriyy Judenu jiryetya rincha yinsubymiy, saju tuchuvabe jarye, nutyu jutuvu nta riñicha variy. Nini Jesucristu sanicha ravichu nta roriy surutyaju. ²¹Simu jita jiryentyeryaniy nutyu roriche variyu, rasay samiy rorijyu jiryatiy bachara Judenunijyu jachipiyajojura. ²²Daryanuma jiryentyidye, nutyunuma taroriqui titaju jiriveyicha nta variy, samirya vichajo Vujye Judenuju, Suntumusintiy.

Supajada Judenu ni Pávurubay ruumu jiryatimyu ne Judíyueda daryi

3 ¹Ramuniday, Ray Pávuru, ravyicha tanuvvunusj Crístu siityariśadiva, samirya jiriveyichadaju jiryatimyu ne Judíyueda jiryedye. ²Jiryeñi tuvachodama dyetyara nutyu sasayada Judenu jivyatadamu ray, ratidye tuchu jiryivara samituchoda. ³Vujye Judenu dityadoda daryajura datyada dutyasara, darya rañuyasiy pasidye ranchiy jiryimuju, jiryatidye datya varirya. ⁴Jiryeñumatij jnyu ramu rañiquejada nuchara, jiryama datya variy ramusiyy nutyuramusiy radyetya radyerya Judenu niquejada day, jiryatiy

dutyasara Crístunchirya. ⁵Ne sadityanunuyada Jüdenü tarijyemyi nijyanvavya darya, nutyu diye sadatyanu Yintumusiryi yinsübyimiy, saju tuchuvay jarye. ⁶Ranuma ranicha sadatyadoda, jiryatimyü ne jvadichara darya: Nijyanvayjuu jita, jiryatimyü ne Judíyüveda daryi, riñicha Jüdenü dadyeñüveda rusa Judíyüveda, Crístu vütera jarye, Jüdenü niqejada jmutyavay jarye títaju. Riñiday vicha vatajuu Jesucrístumu, jiryatiy rityuvachusara samituchodamu. ⁷Saniruyadata jicheyada Jüdenü ray, ratidye vicha samuchechiy savanuyadata, jiryatiy jvaachara rimura. ⁸Dañuma ranicha tamityi Jüdenü jaryeti, sasayada Jüdenü radyerya, ratidye tuchu nijyanvavyara, jiryatimyü ne Judíyüveda daryi. Ratyuchu ruuvara samituchoda Crístunchiy, jiryatiy vuyvichasara jaryi taratavay Crístumu, jiryatimyü ne vucharanumuyadasarara. ⁹Süteda títaju riva daryá, ratidye datyanu vijyomujache títajura sajachipiyajada, jiryatiy ravichanuyada dutyasara tarijy simu, nitiy judejada títajura. ¹⁰Sadityanu variy jichiityarivajyuumusirya títaju jidyetyada. Sadityanu diye riy nutyityüveda, nusüvyevyeda jarye jiryatiy jarichumu vichavantiyiryi. ¹¹Sitotadeda Vujye Jüdenü, vuryeyada ráñu Jesucrístumusi daryá, jiryatiy sabayada rajotadamusiya. ¹²Jiryatiy vutyuvachu simu Jesucrístu, vuryitosara simu Jüdenü vuchuvuyasadamu variy. ¹³Ramuní rayasanta jirye ne jiryaparutyajayasara riva jiryatiy paruchariy ravvichasara jiryeyadaju, tapi jiryichanatyasadaju daryaju darya.

Crístu vatada

¹⁴Ramuniday radasiñu Vuyntyityü Jesucrístu jay nachoju ray.

¹⁵Jüdenumusiñuma vuryimutya títajudarya vuryitya day, nuñi tevajjuu, muy jarichuvimu, daryatiy jiyu mucadimuntiy. ¹⁶Rajechiñuy jiryeyadaju savanutyaniy Jüdenü jivyanuyadata jirye, jiryatiy sasay Yintumusi jiryeyejehiy vanutyadajura. Jaryi vanda vijyomu vanuyadatí daryaju dañi Jüdenü day. ¹⁷Rajechiñuy satidye vichasara Crístu jiryeyejehimiy, jiryetyuvachodamusiy, jiryatiy jiryevyicha vase jachipiyavay savatadamuju nutyu nutasara, rajuura jnutijyütara, varimyata nutyu jutuvu surra jusityasará. ¹⁸Rajechiñuy siva ramusiñuma jiryadatya rusaju títaju Jüdenü jiiintyasavarya savatada, jiryatiy jaryi vojotara darya, jiryatiy jaryi jamucantirya, jiryatiy jaryi navajyuntirya, jiryatiy jaryi nicharicharajuntirya. ¹⁹Rajechiñuy jiryadatyara Crístu vatada jiryatimyü ne vudyetyamuyadasara darya, jiryatidye vichasara títaju daryá nutyu Jüdenü vichasara daryá, jiryatiy savichasara miryaní jiryimu.

²⁰Diye vanda rachasara títaju saju, nitiy datya jvaayada jaryivyajura rajuura ranchaju vujechiñuyada jiyadaju, varimyata vujechipiyajada jiyadajuntiy. Darya vandanuma rachasara variy sajuntidye, nitiy datya jmutyada jivyanuyadata davyuy. ²¹Saju jita racha vanda, sasiityarivajyuumusiy, Jesucrístumusi jarye, junare saraju títaju. Dañuma rachajayasara jasiy daryá.

Vuryecha vatajuu Jüdenü Jnutumusi

4 ¹Rayasanta jita jirye, ray jiryatiy ravvichasara tanuvunusi Vuyntyityü jiyadaju, ritay títaju jiryivara: Daryanuma jiryavichajayasara sanijyu Jüdenü, daryatiy jiryeñuma ranicha títaju Jüdenü jaryetasavamyi. ²Samiy jachipiyajadatavay jiryecha, samirya jachityavay jarye, jiryatiy

jiryejehiniy jivyatadamu nuñi jiryedyeyu. ³Parucharimysiy jiryeryirira vatajuu Judenu Jnutumu vichada, jiryatyi jirvevyichasara samirya nuñivajyuu yisa. ⁴Jiryecha nutyu tiqui nta Crístumu variy, daryadantyi tiqui Jnututavantyi jiryatyi sanatyada taraqui nutuyadata jirye. ⁵Vinu nini sanicha tiqui Vuyntyityu, daryaday taraqui tuvachoda simuntiy, daryaday varintyirya taraqui jityuyadantiy. ⁶Savichasara vinu tiqui Vuryindenu, vinu ni vichasara Vujye vujyu. Nini vichasara rancha titaju, savichasara ranube titajuntiy, savichasara ramu titaju risaju.

⁷Nuñi tiquimusiy vuryimutyara sasaryá jiryatyi vuryeyarurya darya, daryatyi sasaryuyada Crístu davyuy.

⁸Darya suteda Davyíbe sanchiy:

Sasubedanumatyi jita navajyu,
sayatada riy tanuvunusavajyuu
yisaju, sasayada variy
nijyanvarya jiyarurya.

⁹Jiryatyi suteda Davyíbe: Sasubeda, vudyetya ranchiy jiryatyi sumusada munatya mucadijarijyu. ¹⁰Niday Jesús jmusadantiy, nday jasubeda rivasiy varintyi, jaryi navay jarichuvimujuntiy, satidye muchaniy jidyetyadata titajura tara. ¹¹Sasayada datyada riy tavay, riryatidye vicha variy nusuvye, tavay jita sutedamu tuchuvay rusaju, tavantyi saniquejada tuchusavajyu, tavantyi sasiityarivajyuu jnytyadaju, tavantyi datyanuvajyu, Judenu niquejada datyadodaju. ¹²⁻¹³Daryamusiñiday sudutyada Judenu riy jijeryetavay ruvaayada jiju, riryatidye vanutyanyira Crístuvu, titaju sasiityarivajyuumsiy, jasicharajutiy vuryito mityiji jachipiyajadaju sisa Crístu, vutyuvachodamu, vudyetyadamu jarye, jasicharajunuma vuryecha samiy jami, jiryatyi vucheryeryurya Crístu javveda.

¹⁴Ne vuryecha variy nutyu deramiy nta nuday, jiryatyi riryanumitya vanira darya jiejehipiyajada day, runtatanumatyi nijyanvarya taji datyadoda. Rijetyaruy tajijyura vujehipiyajada nutyu riyerya, varimyata riicho jatyari tajijyura vucyartye. Jasiy daryaju riy nijyanvary rityi quivuchunaya vacha datyadodamusiy jirye, jiryatyi riryanumityaruy tajijyura jiryejehipiyajada nupocudi nuquiivaju daryaju.

¹⁵Vuryanique jítara samiy niquejada vuvyatadamuju. Vuryama javve titajumu sanachoju Crístu, nityi vichasara vuryino. ¹⁶Simusiñi jita jiryinuy vuvyichasara nutyu savu nta, titaju jiryatyi vuchiityarisanani. Vuvyichasara mityijijyuu sisa, nutyunuma rupanichara nta ravichasara vujyuu titaju saniy Crístu, daryanuma sabayada Judenu darya. Rajota-numatyi jvaayada samirya nuñi Crístu vutera, rajavve savu variy, vuvyanutyasara variy vuvyatadamusivvuy.

Vadi jnyyada Crístumu

¹⁷Jirya jita ritay jiryiva; ratyuchu Vuyntyityu jtedamura: Ne jiryavichasara nutyu munuñumiñday, rivyichasara daryaju jidyirya jachipiyajadamusiy.

¹⁸Rivyichasara nupocunubesiy jachipiyavay, Judenu jnyyadamusiy jiintyasavay, jiryatyi datyisamiy daryaju daryi, jaryi surra daryajura rijechiy rajisiy.

¹⁹Jiryatimyu ne ridyetyara janada nundyey, ribnyera jivyichada riryatidye vichasara cadnavadacanumi, riryatidye jvaarya vacha jvaayada jaryi. ²⁰⁻²¹Jirye jita datyadani Crístu darya vichadajisidye, jiryetyi tuvachodara sitenu niquejada, jiryatyi ridyetyadoda jiryerya, darya ravichasara sitenu Jesúsmu day.

²²Jiryajatya jiryejehimysirya tariy jirvevyichada, jiryatyi jirvevyichasara

jrapuvve ramu, vacha niruvve jiryatij quivuchodata riñirutyaniy jiryerya.

²³⁻²⁴Jiryechasiy vadivay yintumu, jiryechimiyu jarye, jiryama jachu yiva ni vadi nijyami, jiryatij judesi dañi, nutyu Judenu darya, jiryatij vase bachi dañi, Judenuju jaryetasi daryaju dañi.

Nutyuramusiy vuryi vichasara vadi jnyadamu, nutyuramusiy

²⁵Ramuni jiryajatyaja yajisirya quivuyada, jiryatidye niquera sitenu niquejada nuñi jityuunu vichavatya, tapi vuvyichanuma nutyu Cristu vutera titaju. ²⁶Jiryatij nique, ne jiryajuuchuvay variy, dantyamuy ne jiryasurutyanirya jiryeniqueyada jidye saraju. ²⁷Ne jiryabay vidavijo bayantu nutyityujiju jiryechimiyu.

²⁸Nitij vichanuyada paranuni, sama paruy riva paradoda, sama jvaay jijyomututara samirya jvaayada, satidye say tara ni jantyuyani.

²⁹Ne rasipyatachara nicyaray niquejada jiryitosiñuday, vinu samiy niquejada, vuryatidye vanutyaniy riy vutjevamiy ramusiy, riryatidye jmutya ramusirya Judenu jmutyada. ³⁰Ne jiryayivatyanini Judenu Jnutu, sabayada Judenu daryaju ni Yintu jiryiva, satidye puchiy tamitya rundamu yisaju variy jirye. ³¹Jiryayuma paruy titaju riva jaryi niqueyada, japichiy niqueyada, niqueyadamusiy sañeyajada, javityeyada, titaju nicyaray jvaayada, nicyaray jachipiyajada jarye titaju risaju. ³²Jiryecha samirya jachityavay jiryisa, jantyutyavay jarye, jiryantya ramityantiydyerya jijyuuchaveda yivantidye, nutyu Judenu ramityadeda jiryivara jijyuuchaveda Cristumusi.

Nutyuramusiy riryi vichasara Judenu dadyeñumiy

5 ¹Ramuni jiryecha Judenu jantyavay jiryatij jiryenicha sadadyeñu jaryi vatasavay. ²Jiryama vichasara jaryi

vataadamu, daryatij savatada Cristu darya vuy, sasayada variyu, satidye batye vuryeyadaju. Suntatyada parucharimysiy Judenumujuyu, jiryatij sumutyajada Judenura suntatyada, nutyu vurudi jaryi jurura saju. ³Jiryetyi rañicha Judenu vichadamu, ne jiryanique cadnavedanchiñundy, dantyamuy ne vacha jvaayadanchiy, dantyamuy ne jaryi tara canuyadacanu-minchiy, tapi ratatij jiryajarupanu variñi ti. ⁴Daryantamuy ne jiryaniqueza nicyaray niquejada, datyisadamu niquejada, jamiryamu niquejada jarye, mitya. Jiryanique jitaro niquejada ratatij jiryichanatyada ni Judenu.

⁵Jiryadatya samiy daryajura jirya: Nitij vichasara cadnavu, varimiyata vaturuy cadnatoda, varimiyata vacha jvaarya, varimiyata tara sachara canuyadacanu, jiryatij sasiyari Judenu jiyasachirya tara, ne sajmutyasara mityara jiyarurya Cristu nusujyomu, jasitya sansuchara Judenu ni. ⁶Ne jiryaquivuchutanij mitya niquejadatayu, tapi darya jvaayadacosiy rajti Judenu niqueyada jaryi riyaraju rityimiyu ne tuvachuruy simu. ⁷Ramunimuy ne jiryecha rusaj rupivye darya vichadamu. ⁸Tariñuma jirye vichanuyada nupocudinube, diye jita jiryevvichasara Vuyntyityumusi vandamu. Jiryavichasara samirya nutyu Judenu dadyeñumiy. ⁹Vandamu rupiyadamusiy runday titaju jiryatij samiryara, jiryatij vase jaryera, jiryatij sitenu jarye risajura. ¹⁰Jiryama jantya jvaayadara jiryatij samirya Judenu diya darya. ¹¹Ne jiryajvaay mityiji rusaj rityi jvaay nupocudinubera jiryatimiyu ne samirya Judenu diya darya. Jiryasipyata jita nupocudinubesirya vacha jvaayada, nonomuju. ¹²Jadasara jitaro vñiquejada ranchiy jiryatij ruvaachara dutyadamusirya. ¹³Titaju sipyatasarunmatij vandamuju darya, ramachoj titaju

vandamu variy. ¹⁴Títaju
jvadichara-numa nonodamu darya.
Ramunítijy rútag variy:

Yanuma jidyó mayadacanu, yanuma
míśasumiy díibimiy cabyimusi,
śanónonúy Crístu variy yiva.

¹⁵Ramuníday, jiryínutyatata samirya
jiryevyicháda. Ne jiryéchara
datyísamiy, jiryécha jíta datyavay.

¹⁶Jiryedyetyatata samiy ramityadara
jiryevyicháda jiyu, jiryatijy nicyaray
vicháda daryaju diyé. ¹⁷Ne jiryécha
datyísamiy nundyé, jiryámá datyara
Vuyntyityu níruyada. ¹⁸Ne
jiryaniyuñúday, jiryatijy jarapúchara
daryaju darya. Jiryámá vichasara
múchanichavay Jüdenú jnutumusi.

¹⁹Jiryániqueta nuñi vajyuu
murrayadatayu, jiryatijy vumyurray
Jüdenunijyu Suntutumusi.
Jiryámurráchara títaju jíjechitya
jiryatidyé jchanatya ratani Vuyntyityu
variý. ²⁰Jiryajchanatjajayani Vujyé
Jüdenú títaju riva jiryatijy samirya
darya, rivantijy jiryatijy ne samirya
raníchantijy, Vuyntyityu Jesucrístu
jtyamu jiryajchanatya varíñi.

**Nutyura saryi vichasara Jüdenú
siityarínu jiryorimyu, nutyura**

²¹Jiryatuváchu nuñi tíquimusi yimu,
jiryatijy jiryechuvuñi Crístu. ²²⁻²³Vatuy,
jiryatuváchu jaryi ruumu jivyaduy,
nútyu Vuyntyityumu vutyuváchu
daryantijy, tapi sabayada Jüdenú ní vanu
nútyu nutyityu savaturaju, daryani
savicha Crístu jichiityarívajyuu
nutyityuntijy, jiryatijy riyada ráñuní. Níñi
vicha nútyu runó, riy jíta nútyu savu nta
varidyé. ²⁴Nútyu Crístu siityarívay
tuváchusara yimu, daryani
riryatuváchusara vatuy ruumu jivyadu-
ntyidyé.

²⁵⁻²⁶Vadumyijerye rávatasara
jaryiñada jivyaturuy, nútyu Crístutijy

vatanuyada darya riy jichiityarívajyuu,
sabatyeda variy riyadaju, jíñiruyadamu,
śatidyé jíntya variy jíjyu daryi, jiryatijy
sapuyada daryaju ruuvásirya jíjyuuchu-
veda, jiryatijy rityuyada Jüdenú
niquéjadamu tuvachuvay jaamu.

²⁷Sivaayada daryá śatidyé jnutatya
yimuju riy, jaryi vandamu vichavay, ne
riryécha vatajo tavay, dantyamuy ne
tara nicyaray bayasara riñijyu,
dantyamuy ne nicyaratyavay, mitya.
Savata riryécha jíntyeveye jíjyu, ne
javatyasavay, mitya. ²⁸Nútyu vaduy
jantyutyara jivyú, saníruy jaryiyu,
daryaday saryi jantyutya nada
jivyaturuntijy, saryi níruy jaryi
nadantidyé. Tapi nítijy váta nada
jivyaturuy, savata variy daryantidyeyu.
²⁹Ne tí javittyurya jivyú; sapotyaniy
jíttayu, daryatijy sunútya Crístu riy
jichiityarívajyuuuntijy jiryatijy vuryítay
savu daryi. ³⁰Vuy jarye vichasara
savútera variy. ³¹Darya suteda:

Ramuní, śatochijy vanuní jíjye,
sunóda jarye, śatidyé jamuy
jivyaturaju variy, danujumyusiy
nanáchara nútyu tíqui variy.

³²Jirya jíta jaryi títtasara datyanusara
daryaju darya, jiryatijy dutyasara
ravichanuyada. Raníday suteda Jüdenú
Crístunijyu, sasiityarívajyuu níjyu jarye.
³³Darya rítesiy jiryeyuntidyerya jirya
niquéjadantidyé: Nuñi tíqui vanu ravata
nada jivyaturuy nútyu savata jaryintijy-
dyeyu, daryaday vatujyuntijy, riryabay
samirya riy jivyaduy.

**Nutyuramusiy riryécha deramiy
jíjyemyitya Crístumu, nutyuramusiy**

6 ¹Deramiy, jiryámá tuváchu ruumu
jíjyemyi, Vuyntyityumu, jiryatijy
vase vichasara daryaju darya. ²Darya
suteda Jüdenú:

Vuryajnúy samiy nanunácho
vuryíñoda, vujyéñecho jarye.

Sabayada jiryá niquejadatara rüventiy, vuryatidye datyasarara nütyu racha rijyü rityi tuvachusara ramu. ³Süteda jadchintiy:

Vuryajnyü samiy nanunacho vuyjejyuy, vuryatidye jnujeyasara samiy jamuca jiryá mucadimu.

⁴Deramiy jamyintiy, ne jiryánuquettaniryi jidyedyeñu, jiryamá javyechu Vuyntyityü vasedodamu riy, sadatyadodamujü.

Nutyuramusiy riryecha muchechimiyi jipyatrumitya Cristumu, nutyuramusiy

⁵Cumudemintiy, jiryamá tuvachu simu jipyatru. Jiryajvaay jichuvuyadamu, jiryemyichutyedamu nta jarye risaju, darya ntanuma jiryefi jvaay taraqui jachipiyajadata Cristunijyü varyi. ⁶Ne jiryajvaay vinu satidye jachipiya jiryepyatru samiy jvadichavay varyi jiryé. Daryatiy Cristu cumudemidye jiryefichantiy, jiryamá jvaay jijechityara Jüdenü vatara. ⁷Jiryajvaay samiy jachipiyajadatara nütyu Vuyntyityüjü, ne nütyu nijyamijü day. ⁸Jiryedyetyama daryaju darya: Sajmutya nüñi tiquira samiy yivaayada murichiryá. Daryani sajmutya Jüdenumusintyiryá, dañuma sanicha cumude, varimyatamuy ne sanicha cumude.

Nutyuramusiy riryecha patrumiyi jimyuhechimyitya Cristumu, nutyuramusiy

⁹Patrumintiy, jiryamá bachara samiryi jicyumudemiy. Jiryamá paruy riva jasuyeyada niquejadata riy, jiryajachipityaja variñi jiryatiy savichasara tiqui Vuyntyityü jarichumu, nitimyu ne datya javiryutyada ti.

Jüdenü siityarivay jvatyá ratatiy rüvachara riy bayantuveda

¹⁰Parichemyusiy jita, ratyeryiveda, vuryamá vanütya Vuyntyityümu vuy,

jaryi savanuyada jmütyadata.

¹¹⁻¹²Vuryamá jachu vuryivara Jüdenumusiryá bayantu jatyata, vuryatidye vanütya bayantu nutyityü quivuchoda jidchoju vuy, jiryatimyu ne vüñiquechara nijyanvay savityavay jiyaroju, dantyamuy ne nudatavay jiyaroju. Vüñiquechara jita riyaroju nutyityüveda day, nusuvyevyeda jarye, rityi nusuchara jiryá mucadimu nupocudinube, rityi vichasara riicho janvay, jarichumu vichavay bayantuveda nicyaramyi. ¹³Ramuniday vuryajmutya vuryimujura Jüdenumusiryá bayantu jatyata titaju, vuryatidye vanütya paruchariy rundamu vuy; vüñumatiy vuunu variryi, vuryamáchosara canavye varyi. ¹⁴Vuryamá radesiy nütyu puchusara nta vucyadnumu Jüdenü niquejadata. Vuryajachu vudyutuuvyara vudyutuujyo, jiryatiy Jüdenumusiy vase vichada darya. ¹⁵Vuryajachu vüñumutuvantiryá nütyu saapatuntiy ratatiy vuryajdutyá samituchoda tuchunumayajadaju vuy. ¹⁶Jadchiy jita vuryajmutyantiryá vuryamityátantiy jiryatiy vuryitay Jüdenumu tuvachoda darya, ratatiy vuryajmutya titajura bayantu nutyityü ruve, jiryatiy saduu jiidatya vüñechojura. ¹⁷Vuryajmutya vuryinocojura Jüdenü jmütyadantiy, vuryajirintyiryá Jüdenü niquejadantiy, jiryatiy Jüdenü Jnutu jchitytya darya. ¹⁸Ne vuryaparuy riva Jüdenüjsa tuchoda, vuryajiyasantajaya jachiñuyada ni, Süntumusiy datyadodamujü. Vuryantya vichasara vaniravay, vuryatidye jdutyá tara jidchoju vuy, ne vuryaparütya riva vuy. Vuryatuchujayasara sisa Jüdenü, titaju sasiityarivajyuu jiyadaju. ¹⁹Jiryatüchu sisa Jüdenü rayadajuntidye, ratidye nique vijyomujache ritosiryá samituchodantidye, jiryatiy dutyasara ravichanuyada, ratidye tuchu

rachuvvyasadamura jiryatij sanique
 Jüdenü rimusidyerya. ²⁰Ravyicha
 Jüdenüjü tüchü tanuvvünujovimu.
 Ramunü rañiquerüy rachuvvyasadamu,
 daryatij savata ranique jijyü.

Samuchüveda Pávurubay tamitya riy

²¹Jiryatidye datya raynchij, nütyura
 rañicha, Tíquicu ratüchu jiryivara
 títajü ravyichada, rivaayada jarye.
 Ninü jita vütyeryü jaryi vatasü, samij
 jmütyara varidyenü, jiryatij sivaachara
 samij Vünytyityümu dárya. ²²Ripa

jiryimujünü, satidye datyatanirya
 tüchoda raynchij, ne jiryajachipiya
 tajijyü jijechimyu variy.

²³Riryecha samij vütyeryüveda
 Vüjyü Jüdenü vatadamu,
 sünuçhodamu jarye jiryatij
 sünuçhusara jivyatadamu Vünytyityü
 Jesucristumusidyevyü. ²⁴Sasachara
 samij vichasada riy títajü jiryatij
 vüvyatajayasaranü Vünytyityü
 Jesucristu, ne baryijasara vatadamuju.

*Sayanuma
 Pávuru*